

江寧府志

漢書門類
二三八號
九一八號
四架
四冊

漢書
三三八號
四八八號
架冊號類

| | | |
|------|-----|------|
| 內閣文庫 | | |
| 番號 | 漢 | 2398 |
| 冊數 | 48 | (2) |
| 函號 | 292 | 14 |

漢地理志

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



志原序

大學東

淺草文庫

應天府高皇帝故都在焉文獻甲於天下而府未

志非所以示官方翊皇極也仰惟高皇帝統一寰區實

始事於茲域迨神鼎既奠兵革四出率倚辦於邦人者

為多故登極之後蠲租詔令靡歲不下且日子孫百世

何志江左之民豈獨日月之際宜首耀於光明抑以疆

幹弱支隆上都而觀萬國也文皇帝繼統雖移都北平

而二京竝建比於豐鎬蓋其重如此今推擇大京兆必

天子之重臣而佐以下若屬咸簡銅墨以克之所欲閔

念元元而建首善於天下者意甚厚也第京師綰四方

之轂民俗龐雜而大京兆又天子重臣諸公卿缺或不
滿歲輒遷補之夫欲爲深根固柢之圖而以程功於基
月自非覽觀得失之林以自考鏡焉豈易辦哉少泉汪
公歲甲戌來尹是邦日討成法而紀綱之其爬梳散垢
剪截浮淫者班班舉矣顧念始之鉤攷於簿書而咨諏
於長者抑何煩也於是慨然歎曰與其執掌於臨事
孰若先知豫待之爲逸而以舊政告新者不若托之紀
載之爲遠也遂謀諸信菴雷公進教授王一化討論志
事而特以其義例授諸生陳舜仁陸察沈朝陽陳桂林
盛敏耕使執簡而書焉事未竣公晉少司徒以去今十

槐程公阜南陸公來代諸所施設視汪公不替有加
其推轂諸生而教之使有成者如汪公也故諸生得壹
志殫精揚摧今古凡幾閱月而志成焉昔左思賦三都
淫思十載而就凡以都邑叢委采拾爲難耳而今以數
月之間勒不刊之典良已勤矣令長人者挾筴求之察
人性以制寬猛之常物土利以經出入之法審俗尚以
裁豐儉之中皆歷歷如指諸掌而諸吏於此者今昔醇
疵勸懲法誠亦往往而在則是書非惟一邦之信史而
扶植化源導揚謨訓者實有賴焉謂有裨於治理非歟
是役也大司徒畢公督學褚公皆嘉與而樂相之其

江寧府志 卷之二 禮部
億餒梓之費則前撫臺宋公撫臺胡公臺察鄭公咸贊
給焉若節推詹君世用上元令林君大黼則采輯見聞
多所裨益而上元丞范燧董校刻之役亦與有勞焉
附著之

萬曆五年丁丑仲秋吉日賜進士出身嘉議大夫南京
禮部右侍郎管南京國子祭酒事江左殷邁書

江寧府志舊序

聖天子順治之二年純熙大介戡靖南服庚辰新化籥
度維貞

詔改南京爲江南省以應天府爲江寧府諭二載丁亥

秋八月

天肇

始自雲間遷領郡事旣抵白下流覽

疆土則大江縈絡四山環迴鍾阜翠峯以龍蟠石
城隍陝而虎峙川原之華蔚未改民物之蕃膺若
新噴然而作曰晟哉其鴻區隩宅也哉地綦沃民
綦秀俗綦參矣夫地沃則淫民秀則弱俗參則囂
於是乎相尋於凋耗而莫之拯返其樸而訓正之

非保釐者之責乎。恂自晉室偏安，清言競勝，六代以還，隱囊塵尾之習，漸于士夫，而油檀絢縵之風，染及毗庶，有銜華而無佩實，江左之所以日替也。明初以金陵爲郊廓，旣又並建爲鎬豐，其人廩髮，倖帶咸以都冶爲容，而擘緩詭隨，遂以流競相適，形外麗而神中瘖，此南國所以不終也。今

耆定伊始，綱紀聿新，震人心于憤昧，而斬其繁囂，歸于簡質，雀桁雉亭之間，庶幾汔可小息乎。昔之守是邦者，如顏魯公以清嚴爲理，馬忠肅以明敏蒞政，張忠定之剛方，自任包孝肅之峭直，不阿

獻鎮定以綏猷，劉忠肅恣惠以起瘵，馬莊敏精以厚民，其惠政德音焜煌，史牒故家遺老，猶膾炙而奉嘗之。至若丁謂、蔡卞、欽若、安石、惠卿輩，皆嘗領牧於此，至今白都烏榜，猶有頽顏法戒，具在其不黽勉，冰谷隕越，茲土以開，臯於元元，而重負

廷任使其若婁陂、蔣岫，何受事以來，戴星出入，力燠志殫，庶務之紛總，民情之扞格者，始稍見頭訖，乃得以隙晷取舊志讀之，而漫次臆說於簡端，郡故未有專志，諸所記載，統見于金陵志、南畿志、金陵世紀、金陵圖考諸書，自洪永迄嘉隆二百年間，鮮

有從事郡乘者萬曆初載京兆尹少泉汪公午槐
程公相繼哀輯始勒成一編歷七十餘年中更多
故而未有紀述茲且

改玉維新沿革益異令不亟加蒐輯則名跡日湮後之
執簡者益囁於攬拾矣撫舊志而削正之網羅遺
缺參訂見聞修文獻于大邦而垂惇史於來許
擊不敏竊有志而未遑焉敢浴筆以埃

順治五年歲次戊子鵠首臯月之穀

江寧府知府蓋牟林天肇題於郡署之視鵠軒

凡例

一古者左圖右書並列不廢况輿地錯置非圖莫
今取陳太僕金陵圖考參以元張學正新志所載
山川封域圖顧文莊宮闕都邑圖俞光祿重訂圖
說八縣治境圖具載于首而朱侍郎四十景圖次
焉使山川勝蹟披卷瞭然
一舊志郡紀三卷略仿編年洵稱美善但諸項雜出
稽考爲難今擇其土地之分合州縣之升降爲沿
革附沿革表後水旱蝗疫麀鳳星雲爲灾祥創造

城郭宮室橋梁開鑿河渠爲建置其歷代用兵攻守至棊山棊水卽附其山水下庶秩然不亂焉

一維正之供具遵誠憲順治十四年賦役全書成欽奉

勅諭錢糧則例俱照萬曆年間其天啓崇禎時加增盡行蠲免大哉

上言昭若日星故具載萬曆年間則例子前而賦役款項悉照全書實意奉行是在良牧

一江寧土產皆各郡所同並無珍異可以不書

一古今碑板詩頌序記等作或有關考証有裨於盛典時賢佳製如林未能悉載

一宦蹟人物舊例不載生者旣俟論定亦避獻諛而本朝開國一二鉅公功在地方皆係宦成之後可無頌德之嫌特紀實蹟以識去思

一金陵人物始于漢魏盛于六朝以迄後代英賢接踵然知人論世寧嚴毋寬寧核毋濫卽如陳宗之人物志陳玉泉訢慕編皆人求可法詞無溢美若刻畫唐突則吾豈敢

一江南風土敦厚人情醇樸如還金賑乏好義樂施

之事徵諸先民祇爲庸行然亦必昭然聞見乃得
詳列簡編其有潛德陰騭不求人知人亦無從知
之未免疎漏罪或可原

一士有百行婦惟一節郡城寥廓採訪或有未周而
外縣志中有一邑至百餘人者旣不敢以意爲去
留又無從考辨其當否欲俟再加查覈恐逾滋擾
失真具照原志存之以示樂與爲善之意

一宋周應合修景定建康志以馬制置光祖搜訪之
勤帥憲運漕諸府幙訂正之廣乃克成書元張欽
修新志所引証考據諸書目約一百餘種皆歷
日而後竣事今搜訪爲艱窳槩掛漏知不能無
其該備以俟君子

江心府志目錄

卷之一

圖紀上

卷之二

圖紀下

卷之三

沿革表

卷之四

疆域志

風俗附

卷之五

洋
山
水
志
上

卷之六

山水志下

卷之七

建置志

卷之八

賦役志上

卷之九

賦役志中

卷之十

學校志

卷之十一

學校志

卷之十二

科貢表上

卷之十三

科貢表中

卷之十四

科貢表下

勸業附

卷之十五

江
戶
志

歷官表上

卷之十六

歷官表中

卷之十七

歷官表下

封爵附

卷之十八

宦蹟傳上

卷之十九

宦蹟傳下

卷之二十

人物傳一

卷之二十一

人物傳二

卷之二十二

人物傳三

卷之二十三

人物傳四

卷之二十四

人物傳五 孝義

卷之二十五

人物傳六 列女

卷之二十六

人物傳七 方技

卷之二十七

人物傳八 釋道

卷之二十八

古蹟志 宅墓附

卷之二十九

災祥志

卷之三十

祠祀志

卷之三十一

寺觀志上

卷之三十二

寺觀志下

卷之三十三

撫佚上

卷之三十四

撫佚下

江寧府志目錄終

江寧府志府陳開虞為懇修府志以

大典以正輿圖事照得江左建業古稱名都我

清聖主龍興戡定南服順治二年始

詔改南京為江南省以應天府為江寧府前任林知府

始改應天府志為江寧府志刊序簡端以昭

新化然是時僭亂甫削餘孽逋誅偃兵革而修載籍因

所未遑今也薄海內外罔不臣服東西朔南無不

一家而江寧府志尚未盡改前代舊刻非所以

一王之治抑藩服而尊京師也查府志修自故明萬

初年百餘年間興廢沿革以及嘉言懿行業日

沒不亟修葺久且無徵恭遇

憲臺德化洋溢文治蔚興滌沿襲之陋著

鼎新之化重修府志似亦首務矧南省為南方諸省之

首藩而江寧又為南省諸郡之領袖江山文物不

改六朝忠孝節義尤盈

聖世是更不可不亟搜討故實以彰

朝廷之化行南國滂沛神速如此是亦臣子歌詠

盛德之一端也等因具詳蒙

總督江南江西等處地方文武事務兼理糧餉

兵部尚書兼都察院右副都御史郎

人批仰詳 撫院候批遵行繳

總督淮揚等處地方提督漕運海防軍務兼理糧餉

兵部右侍郎兼都察院右副都御史屈

人批仰照 督撫部院批示具報繳

總理糧儲巡撫江寧等處地方工部尚書兼都察院右

副都御史正一品加二級韓

巡按江南督理兩淮鹽課兼監兌轄江西湖廣河南

汝寧等處地方監察御史前翰林院庶吉士甯

講號元著直隸廣平府永年縣人批修輯郡志洵為盛舉仰照另

單姓氏列序繳

江南江蘇等處承宣布政使司布政使加一級終

年號壽民遼 批仰候 督撫 部院示行繳

江南安徽等處承宣布政使司金 諱鉉號亦恭順天宛平籍山陰

江南安徽等處承宣布政使司法 諱若真號黃山山東膠州籍房山人

均批候 督撫 部院批示行繳

江南等處提刑按察使司劉 諱景榮號仁侯滿州籍廣寧人 批仰候

兩部院批行繳

督理江南江安徽寧池太廬鳳淮揚廣和滁徐督糧

道布政使司參議加一級周 諱亮工號樸曰河祥符籍江西金

批江寧郡志自京兆尹汪少泉程午槐二公

後八十年來未有增修者其間

本朝建芳言懿行奇節偉勲待為表揚者不少本道

於秣陵山川風土頗聞其槩而考之舊志亦多缺

畧搜採遺軼以成宏脩新

一代之典文昭一方之徽美每有夙志愧無其權該府

保障功深龔黃著譽允為輿望所歸而宏風開

又該府之責也光茲盛典以傳之無窮舍大雅

誰與歸乎閱詳深愜予懷惟急行之為望仍候

督撫 部院批示行繳

江南分守江寧鎮江道布政使司左叅政杜 諱爽

東濱州人批仰候

督撫部院示行繳

整飭江南通省驛傳鹽法道兼督揚關按察使司

事陳

諱寶鑰號綠崖福建晉江人

批重修府志

與朝文獻攸關具見該府畱心當代堪垂不朽尤須

採名碩以資考鏡去紕漏而著實錄固本道所集

聞也仰候與舉日應薄助梨棗用勩盛事仍候

總督撫院并各憲示行繳

提督江南通省學政按察使司僉事梁

諱儒號宗洙滿州人

仰候


督撫部院批示另報繳

金陵古今圖考

吳越楚地圖

江寧府志

卷之二



江寧府志


卷之二

圖紀



吳越楚地圖考

金陵在春秋時本吳地未有城邑惟石頭東有冶城傳云夫差冶鑄於此卽今朝天宮地去府東南一百二十里當溧水溧陽之間有固城云古瀨渚縣亦吳所築周景王四年楚靈王敗吳軍陷固城吳移瀨渚於溧陽南十里周廻七里爲陵平縣又敗於楚更名平陵縣後闔閭將伍員破楚燒固城遂廢元王四年越勾踐用范蠡謀將圖楚稱伯江淮乃築城於金陵長平里以強成城周二里八十步在今聚寶門外長干里俗呼越其地金陵有城邑自此始也顯王三十六年楚威王起盡有吳故地乃擅江海之利因山立號置金陵邑於石頭後之石頭城據此今石城門北岡壘削絕皆城故區



秦秣陵縣圖考

秦始皇二十五年滅楚并天下分三十六郡置守尉監以金陵地屬鄣郡改金陵邑爲秣陵縣三十七年東遊會稽過吳從江乘浦渡置江乘縣皆統於鄣又以望氣者之言鑿鍾阜斷長壟以泄王氣水自方山西北巨流環繞至石頭達於江後人名曰秦淮考之鄣郡不詳治所志云在石頭城地史載吳興郡西金陵本吳興西境也秣陵云在城東南六十里秣陵浦處今秣陵鎮卽其地江乘按建康志云在城西北十七里南徐州記云在縣西二里有浦發源於石頭東入大江因以爲名又按

以爲盛作疑城自石頭至江乘當在石頭之東北幕

之西南也建康志圖載江乘於瑯琊東恐非

漢丹陽郡圖



漢丹陽郡圖

漢丹陽郡圖考

漢滅秦以江南地封楚王韓信荆王劉賈吳王劉濞皆大國元符二年改鄣郡爲丹陽郡屬揚州統縣十七秣陵湖熟永平江乘句容溧陽隸焉皆鄣郡舊地東漢移郡治宛陵至建安十三年孫權領丹陽郡自宛陵還治秣陵改秣陵爲建鄴郡在淮水之南按吳苑記去長樂橋東一里南臨大路長樂橋今武定橋東南有長樂巷蓋自東城角之內外皆是郡治城周一頃開東南北三門漢揚州無定治或治壽春或治曲阿或治歷陽治建鄴爲多亦在淮水之南去丹陽城東南二里建鄴即今溧陽治湖熟在今東南六十里淮水之北有湖熟平在今溧陽南十五里溧陽在今溧水之固城江乘仍秦之治句容卽今治也



孫吳都建鄴圖考

初東漢末以秣陵地封孫策爲吳侯至弟權據有江東築石頭改秣陵爲建鄴建安十三年移丹陽郡治建鄴黃龍元年遂徙爲都都城在淮水北五里據覆舟山下東環平岡以爲安西城石頭以爲重後帶元武湖以爲險前擁秦淮以爲阻周廻二十里十九步詳見後考赤烏十年作太初宮周廻五百丈作八門前五門曰公車曰昇賢曰明陽曰左掖曰右掖東一門曰蒼龍西一門曰白虎後一門曰元武都城之正門曰宣陽又南五里至淮水有大航門時都城皆設籬曰古籬門宮之後有

以晉所謂臺城卽今西十八衛以南元津橋大

以北皆是赤烏四年東鑿渠名青溪自城北塹洩入湖水九曲西南入秦淮西鑿運瀆水自倉城東入今橋與青溪合南由今乾道橋至斗門橋達於秦淮又夾淮立柵謂之柵塘金陵建都自吳以始



東晉都建康圖考

晉武帝平吳徙揚州治建業在冶城之東丹陽郡仍舊
治統縣永平江乘湖熟丹陽句容溧陽改建鄴仍爲秣
陵後又徙秣陵於宮城南八里一百步小長干巷內分
淮水北之地復置建鄴治在宣陽門內以丹陽西置江
寧元帝渡江避愍帝諱改建鄴爲建康遂爲都號東晉
以宰相領揚州牧築城於青溪東南臨淮水上名東府
城別舊治爲西州城以丹陽守爲尹於江乘南置琅邪
郡領臨沂卽丘陽都懷德四縣以處徙帝之渡江者
郡在今句容之琅琊鄉臨沂在今上元之長寧鄉卽
南魏廣川高陽堂邑南東海南東平南蘭陵八郡并寄
京邑宮城仍吳之舊成帝作新宮繕苑城修六門宮城
正南曰大司馬門北昌平門東西二門曰東掖西掖大
司馬門與都城宣陽門對又南出至淮水上置朱雀門
卽吳之大航門也都城十二門南北各四東西各二詳
見於圖淮水上設浮航二十有四朱雀航卽朱雀門處
在今鎮淮橋東後移至橋處蓋據淮爲阻有事撤航爲
備卽吳柵塘之意也成帝時徙建康縣於御街西



南朝都建康圖考

東晉既亡宋齊梁陳相繼爲據宮城都城皆仍於晉號
京輦神臯初劉裕逼晉主宮於秣陵縣後乃自卽晉舊
元嘉二年於臺城東西開萬春千秋二門都城十二門
南面次西曰宣陽次東改開陽曰津陽最東曰清明最
西改陵陽曰廣陽北面次西曰元武次東曰廣莫最西
曰大夏最東曰延熹正東面曰建春次南曰東陽正西
面曰西明次南曰閭闔宣陽爲正門與宮大司馬門直
對津陽與宮南掖對建春西明二門達於宮前之直
者宋於朱雀門之南渡淮五里又立國門在長干東南
西在今鎮淮橋北侯景攻臺城燒大司馬門陳復營治
改宮萬春門爲雲龍改千秋門爲神武改都城廣莫門
爲北捷揚州治丹陽郡治皆仍舊宋省懷德卽丘陽郡
三縣盡入臨沂省永平縣入溧陽梁武生於秣陵同
里因以其地置同夏縣在今上元之長樂鄉陳以琅
三郡地置建興郡領建安同夏烏山江乘臨沂湖熟六
縣丹陽江寧建康秣陵句容溧陽仍隸丹陽郡



隋蔣州圖考

隋文帝開皇九年平陳建康城邑宮闕并蕩耕墾六朝之跡不復有存者廢丹陽郡平其城以爲田乃於石頭置蔣州依漢置太守以司隸刺史相統析溧陽丹陽之地置溧水縣十八年廢溧陽并入溧水與江寧當塗三縣屬蔣州大業初改蔣州復名丹陽郡省建康秣陵同夏三縣入江寧又廢臨沂丹陽湖熟三縣亦入江寧與溧水二縣仍爲丹陽郡所統初揚州治徙蔣州城內廢東府城後末年以江都爲揚州置總管府句容屬焉自後揚州之名專於江都矣



江寧府志 卷之一
唐昇州圖考

唐滅隋分天下十道丹陽郡屬江南東道武德二年置行臺尚書省三年改江寧縣爲歸化縣又改爲金陵縣又析其地爲安業縣尋廢以句容縣置茅州析江寧溧水之地復置溧陽縣七年罷行臺爲大都督府復蔣州仍改茅州爲句容縣與金陵溧水溧陽屬蔣州九年徙金陵縣於白下村曰白下縣貞觀七年復改爲歸化九年仍爲江寧至德二載析置江寧郡而縣廢乾元元年改郡爲昇州上元二年廢州爲上元縣治在西州城地光啓中遷鳳臺山之西大順元年復置昇州統上元句容水溧陽四縣按宮苑記隋大業六年置金陵城在元風觀南園又按唐李孝恭破賊築唐府城近石頭天復二年僞吳楊行密克昇州將徐溫改築金陵城貫秦淮卽以州治爲府以府治爲宮恐南唐宮卽昇州治所也



南唐江寧府圖考

初僞吳楊行密子溥在唐末取昇州後將徐溫自領昇州改築城郭爲金陵府至石晉天福元年爲吳天祚二年溫假子知誥篡吳以金陵爲西都改金陵府爲江寧府遂以府治爲宮以城爲都國號唐復姓李更名昇城周二十五里比六朝都城近南貫秦淮於城中西據石頭卽今石城三山二門南接長干卽今聚寶門東門以白下橋爲限卽今大中橋北門以元武橋爲限卽今北門橋橋所跨水皆昔所鑿城濠也今通濟三山水關卽當時淮水出人處青溪九曲至是爲築城絕其流入竹橋下水西入舊城濠者乃白潮溝從西南流之故道自舊內傍南流經淮清橋合秦淮者則城內所存之一曲內橋之北東盡昇平橋西盡大市橋北至小虹橋此宮城之限內橋南直抵聚寶門大街卽當時御街也按志宮前御街傍夾大溝雜植槐柳臺省相望今溝猶存江寧府治改於宮城之東割上元南十九鄉與當塗北二鄉復置江寧與上元二縣皆治郭下江寧治在北門內上元治仍唐舊句容溧水溧陽亦仍舊治焉



宋建康府圖考

宋開寶八年南唐滅復昇州仍以宮為州治隸江南東路天禧二年陞江寧府建康軍節度使封壽春郡王為昇王建國後即位是為仁宗以昇為大國不以封諸皇子其守臣皆以宰執近臣為之徙上元縣於城東北南唐司會府地建炎三年改江寧府為建康府又徙上元於城東隅紹興三年高宗駐蹕明年徙府治於東錦繡坊今舊內處以府治地為行宮設留守命守臣兼之安撫制置總領轉運提領御前馬步軍諸司皆治於此行宮即南唐宮地前內橋今改天津橋其下水引青溪


東虹橋平橋周繞大內東西三隅經西虹橋今大市橋復合

青溪曰護龍河城皆偽吳順義中所築由尊賢坊今里仁街

出東門由鎮淮橋出南門今聚寶門由武衛橋出西門今石

由清化坊出北門今北門橋由斗門橋出龍光門今


以上元江寧為赤縣溧水溧陽為畿縣比西京故事



元集慶路圖考


元至元十二年卽建康府治開省設建康宣撫司江東
建康道提刑按察司又設江東道宣慰司江淮等處行
中書省行樞密院十四年更立建康路總管府以宣慰
兼本路達魯花赤就僉廳君子堂內署府事十六年徙
治於西錦繡坊大軍庫內今府治處隸宣慰司以達江
浙行省按察司改肅政廉訪司因避行臺遷治寧國府
路治遷徙不常嘗於上元縣與軍器庫內置治元貞二
年又徙府於銀行街東南佳麗樓地今江寧縣治大德
四年徙於龍翔寺基今武學處後終於銀行街天曆二年
以路爲潛邸改名集慶城中置錄事司管治城內律
江寧縣於南門外越臺側陞溧水溧陽爲州領三縣二
州一司比京畿例與陝西奉天路徑隸行御史臺城仍
宋舊呼西門曰大西龍光門曰水西

明都城圖



明都城圖考

明太祖於元至正丙申三月取集慶路戊申混一海內
 改路為應天府大建城闕考諸都城之域惟南門大西
 水西三門因舊更名聚寶石城三山自舊東門處截濠
 為城沿淮水北崇禮鄉地開拓八里增建南出者二門
 曰通濟正陽自正陽以東而北建東出者一門曰朝陽
 自鍾山之麓由龍廣山圍繞而西抵覆舟山建北門曰
 太平又西據覆舟山雞鳴山即雞籠山緣湖水以北至直
 山而西八里又建北出者二門曰神策金川自金川北
 繞獅子山即盧龍山於內維柴東西相向亦建二門曰鐘
 儀鳳自儀鳳迤邐而南建定淮清涼二門以接舊
 而周門西出者五由聚寶北至金川神策北通濟正陽
 至太平之南北倍之由朝陽至石城三山北定淮至神
 策之東城三山水門至通濟水門之東西亦倍之東盡
 鍾山之南岡北據山控湖西阻石頭南臨聚寶貫秦淮
 於內外橫縮屈曲計周九十六里外郭西北據山帶江
 東南阻山控野闕十有六門東五曰姚坊仙鶴麒麟
 波高橋南七曰上方夾岡雙橋鳳臺馴象大安德
 一曰江東北三曰佛寧上元觀音周一百八十里



國朝省城圖考

世祖章皇帝順治二年五月

豫王統大兵南下江南軍民投誠改南京爲江南省以
應天府爲江寧府領縣如故設江南布政使司及提刑
按察使司都使司督糧驛傳等衙門于江寧府治中
總督江南江西部院衙門駐節在焉城郭因明之舊惟
閉清涼鍾阜定淮金川四門而洪武三山等門無改順
治十六年改神策門爲得勝門以旌武功又築滿城于
青溪之東起太平門沿舊皇城牆甚至通濟門車開二
門以通出入爲滿州大兵屯駐之地駐防 將
此其城內外橋梁水道惟利涉橋新建于桃葉渡
餘皆無改于舊

孫州界

圖紀上





估圖



江寧府志 卷之一
府境方括圖考

自有郡以來疆地統括盈縮不常莫廣於漢莫狹於隋至唐以後屬縣乃定皆在大江之南明始括江北二縣弘治四年析溧水十四區民增置高淳所領凡八縣一曰上元城東北境也古江乘臨沂湖熟故地二曰江寧城西南境也古秣陵建鄴丹陽故地三曰句容在上元之東八十里出周郎橋四曰溧水在江寧之南九十里出烏剎橋古瀨渚縣地五曰溧陽在溧水之東南五十里出分界山古固城之東境六曰高淳在溧水西南以高淳鎮置治七曰江浦在江寧之西距大江古烏江也鄰境爲縣置治於曠口八曰六合在江浦之東出浦子口東盡句容之境抵鎮江之丹陽丹徒南盡溧陽溧水之境抵廣德州連寧國之宣城東南盡溧陽之境連常州之宜興西南盡高淳江寧之境抵太平之當塗西盡江浦之境抵和州西北連滁州北盡六合之境連鳳陽之天長東北盡句容六合之境抵揚州之儀真東西相距三百六十里南北相距四百六十里



境內諸山圖考


唐志稱東南名山衡廬茅蔣金陵有二焉蔣山故名鍾
實都邑之鎮武侯所謂鍾山龍蟠是也宋周應合山川
序云鍾山之左自攝山臨沂雉亭衡陽以達于東又東
爲白山大城雲穴武岡以達於東南又南爲土山張山
青龍石碗天印彭城鴈門竹堂以達於西南綿亘至三
山而止於大江所謂龍蟠之勢也鍾山之右近之爲覆
舟雞籠在宮城之後又北爲直瀆大壯觀四望以達於
西北又西北爲幕府盧龍馬鞍以達於西是爲石頭城
亦止於江所謂虎踞之形也考其山之遠近亦少有不

合者蓋東南之山關城重抱山勢連屬不可一一次序
言之且古之江水自三山東入沿陰山石子岡北流以
至於石頭又自石頭沿馬鞍四望盧龍幕府東折至於
觀音又由臨沂攝山直抵京口二百餘里山勢不絕浮
江而觀之三山據於西南石頭據於西北秦淮中出乃
天限之門戶也今江水西流沙洲曠邈馬鞍鳳臺爲民
居日削而陰山則陶冶爲澤漸不可尋矣此則圖其形
勢之大者焉



江寧府志 卷之一
境內諸水圖考

金陵在大江東南自慈姥山至下蜀渡古稱天塹巨浸此江之境也秦鑿淮吳鑿青溪運瀆楊吳鑿城濠宋鑿護龍河宋元鑿新河明開御河城壕今諸水交錯互流支脉靡辨據經考之自方山之岡壑兩淮北流西入通濟水門南經武定鎮淮飲虹三橋又西出三山水門沿石頭以達於江者秦淮之故道也自太平城下由潮溝南流入大內又西出竹橋入濠而絕又自舊內旁周繞出淮清橋與秦淮合者青溪所存之一曲也自斗門橋西北經乾道太平諸橋東連內橋西連武衛橋者運河之故道也自北門橋東南至於大中橋截於通濟城內旁入秦淮又自通濟城外與秦淮分流繞南經長干橋至於三山水門外與秦淮復合者楊吳之城濠也自昇平橋達於上元縣後至虹橋南接大市橋者護龍河之遺蹟也自三山門外達於草鞋夾經江東橋出大城港與陰山運道合者皆新開河也東出青龍橋西出白虎橋至柏川橋入濠者今大內之御河也若城外落馬澗諸水不能悉載焉



歷代互見圖考

歷代城邑變置若不可悉辨然鍾山自東北而迤邐於西南大江自西南而環抱於東北覆舟阻其後聚寶當其前青龍石碗掖其左石頭三山踞其右秦淮橫其中考諸漢以後郡城皆在淮水之南六朝宮城皆在淮水之北而近於覆舟楚秦隋唐之城皆在淮水西北而據於石頭楊吳以後之城皆跨淮水之南北而近於聚寶明因山距淮盡乎四極

國朝因之爲省城以是據方辨位庶幾可得矣按六朝宮城正門曰大司馬門南對都城之宣陽門二里宣陽門南對朱雀門五里臺省相望爲御街朱雀門臨淮水上朱雀航北今考鎮淮橋東南桐樹灣處當是航所中正街府軍營內小橋當是宣陽門處直出北口西華門西大街當是大司馬門處舊國學成賢街南口當是宮後平昌門處珍珠河正在宮內也成賢街外號以東直抵西十八衛之後當爲都之北城宋上元縣西細柳營直北當爲東城舊武學以北當爲西城其規模大略可見南唐之宮前臨內橋東盡昇平橋西盡大市橋北盡小虹橋爲子城之限宋行宮卽此內橋南直抵鎮淮橋此則南唐之御街也志云鎮淮橋卽朱雀橋者蓋蕭梁



時移航於此遂名舊航之處唐所謂長樂渡也南渡長樂一里抵東城角內外皆丹陽郡城之基又東南近倪塘乃晉王舍五城又南當是古揚州治清涼寺地以至石頭山脊爲楚金陵邑城又北爲唐韓滉五城少東南則隋蔣州城又東則冶城今朝天宮處又西抵下街有西州橋卽西州城地唐上元縣城亦是其處皆石頭之麓相去不遠南循三山水關內下浮橋北爲賞心亭少西爲折柳亭出水關中街水環繞處當爲白鷺洲洲之上今普惠寺當是李白酒樓繞南城角高處卽昇元舊基少北高阜皆鳳凰臺山少西卽建初寺寺西卽杏花村聚寶門外爲長干向西爲越城少南爲秣陵城東南爲國門轉東至通濟跨城處當爲東府城大中橋東畔爲白下亭長安街西口當爲宋永安宮北抵竹橋之側當爲金華宮六朝城後今府學處爲元圃小教場西門內爲上林苑將臺處當爲樂遊苑蔣廟之西南當爲商飈館西北爲親蠶宮此皆可因據而互見者也

江寧府治圖

江寧府志

卷之一

三




江寧府志

卷之一 圖紀上

三

江寧府學宮圖

卷之二




江寧府志 卷之二 圖紀上

上元縣治圖

上元縣志

卷之二





上元縣志


卷之二

圖紀上

三



上元江寧兩縣學宮圖




句容縣治圖

江寧府志

卷之二

三



江寧府志

卷之二 圖紀上


三

句容縣學宮圖

句容縣志

卷之一

三



句容縣志

卷之一

圖說

三

澤州府志 卷之一
漂陽縣治學宮城隍圖




澤州府志

卷之一 圖說上

四

三水縣治圖



三水縣志

卷之一 圖紀上

四

卷之一

四

漂水縣學宮圖


江蘇府志 卷之一









高淳縣治圖

高淳縣志

卷之一




圖紀上



江浦縣治圖

江浦縣志


卷之二




江浦縣志

卷之二 圖紀上

江浦縣新城圖



六合縣治圖



六合縣志

卷之十一 圖紀上

三

卷之十一



卷之二

圖紀上



六合縣學宮圖





